

SAMÞYKKT

um afgreiðslutíma verslana á Patreksfirði.

1. gr.

Samþykkt þessi tekur til hvers konar smásöluverslana á Patreksfirði, þ. á m. söluturna, brauð- og mjólkurbúða.

Undanþegnar ákvæðum samþykktarinnar eru: Lyfjabúðir, bensinsölur, að því er snertir sölu á bensíni, olíu, smurolíum og vörum til bifreiða, sjálfsalar, blaðasala á götum, blaðsöluvögnum og blaðsöluturnum, merkjasala og annað slíkt.

Akvæði samþykktar þessarar ná ekki til þjónustufyrirtækja, s. s. bifreiðaafgreiðslna, að því er varðar bifreiðaafgreiðslu, rakarastofa, hárgreiðslustofa, ljósmyndastofa, viðgerðarverkstæða o. s. frv. að því er varðar þá starfsemi.

Um vinnutíma og önnur starfskjör afgreiðslufólks fer eftir kjarasamningum og venjum.

Ef ágreiningur rís um skilning á ákvæðum samþykktar þessarar, úrskurðar hreppsnefnd Patreksahrepps ágreiningsefnið að fengnum tillögum lögreglustjóra, en skjóta má þeim úrskurði til ráðherra, og er úrskurður hans endanlegur.

2. gr.

Daglegur afgreiðslutími smásöluverslana og annarra sölustaða, er samþykkt þessi tekur til, er svo sem hér segir, nema öðruvísi sé sérstaklega ákveðið í samþykktinni:

„Alla virka daga skal heimilt að opna sölustaði kl. 08.00 og halda þeim opnum til kl. 20.00, enda beri þá daga ekki upp á helgi eða fridaga samkvæmt 5. gr., þó skal heimilt að hafa opið til kl. 22.00 einn virkan dag í viku.

Síðasta virkan dag fyrir aðfangadag jóla skal heimilt að hafa verslanir opnar til kl. 24.00 og síðasta laugardag fyrir jól til kl. 22.00.“

3. gr.

Mjólkur- og brauðbúðir mega vera opnar frá kl. 08.00 til kl. 20.00 virka daga.

Á sunnudögum eins og öðrum dögum, sem taldir eru í 5. gr. 6.-lið, skal lokað eigi síðar en kl. 13.00.

4. gr.

Í sérhverri verslun skal auglýstur fastur afgreiðslutími hennar. Afgreiðsla um söluop skal ekki heimil í þeim verslunum, sem hafa afgreiðslutíma samkvæmt 2. og 3. gr. þessarar samþykktar.

5. gr.

Eftirfarandi reglur gilda um lokun sölustaða á helgidögum og hátíðisdögum:

- a. Jóladað, páskadað, hvítasunnudag og föstudaginn langa, 17. júní og nýársdag, skal öllum sölustöðum lokað allan daginn.
- b. Alla sunnudaga, skírdag, annan páskadað, sumardaginn fyrsta, annan hvítasunnudag, uppstigningardag, verslunarmannafridaginn og annan jóladað, skal sölustöðum lokað allan daginn, sbr. þó undantekningarákvæði 3. gr. og 6. gr. þessarar samþykktar.
- c. Aðfangadag jóla og gamlársdag skal öllum sölustöðum lokað eigi síðar en kl. 12.00.

6. gr.

Hreppsnefnd getur leyft, að vikið sé frá ákvæðum 2. gr., þegar um er að ræða söluturna og aðra sambærilega sölustaði, þannig að þeir verði opnir til kl. 23.30, sbr. þó a-lið 5. gr.

Sölustaðir þeir, sem um ræðir í 1. mgr., skulu aðgreindir frá verslunum eða birgðageymslu verslunar.

Á sölustöðum þeim, er kvöldsöluleyfi hafa, má selja eftirtaldar vörur:

Sælgæti, kex- og brauðvörur, tóbaksvörur, öl og gosdrykki, blöð og tímarit, ís, ískökur, íssósar, heitar pylsur, rafhlöður, skyndiplástur, salthnetur, kartöfluflogur, kaffi, te, mjólkurduft, G-vörur, nýja ávexti, ávaxtasafa, harðfisk, blöðrur, flugelda, öryggi, eldspýtur, dömubindi, bómull, rakblöð, sólgleraugu, kort, frímerki, bollu- vendi, spil, greiður, hárlakk, hárkrem, filmur, stílabækur, reikningsbækur, blýanta, vinnuvettlinga, rakspiritus, raksápu, rakkrem, sokka, sokkabuxur, grænar baunir, sveppi, aspargus, strásykur, molasykur, salt, kornflakes, sinnep, tómatsoðu, súpur, búðingsduft, harðfisk, maís, egg, smjör, handsápu, wc-pappír, niðursoðnar kjötvörur, niðursoðnar fiskvörur, niðursoðna ávexti og niðursoðinn barnamat.

Vegna sölu á eftirfarandi vörutegundum ber að sækja um það sérstaklega til heilbrigðisnefndar: ís, heitar pylsur og sumrt brauð.

Hreppsnefnd getur breytt ofangreindum vörulista.

Hreppsnefnd getur að fenginni umsögn heilbrigðisnefndar heimilað, að verslanir, sem eingöngu selja heitar pylsur, smurt brauð, öl og gosdrykki, mjólk eða þær vörutegundir sem taldar eru upp í 3. mgr. 6. gr. megi vera opnar alla daga, nema þá sem um getur í a-lið 5. gr., sbr. einnig c-lið sömu greinar.

7. gr.

Í kvikmyndahúsum, leikhúsum, á íþróttavöllum, útiskemmtunum og öðrum slíkum stöðum skal heimilt að fengnu samþykki heilbrigðisnefndar að selja samkomugestum sælgæti, tóbak, ís, gosdrykki og annað slíkt, sem ætla má, að neytt verði á staðnum. Einnig má selja þar sýningarskrár, minjagripi og annað slíkt, sem eðlilegt telst, að þar sé til sölu, utan þess tíma er í 2. gr. er nefndur, þó aldrei eftir að sýningu lýkur eða skemmtistað er lokað.

Í kvikmyndahúsum og leikhúsum er slík sala einungis heimil í sýningarhléum og hálf tíma fyrir sýningu.

8. gr.

Eftir lokunartíma sölustaða er óheimilt að selja þann varning, sem verslunaryfði þarf til sölu á. Þó skal heimilt að afgreiða þá menn, sem komnir eru í verslun eða sölustað þegar lokað er. Ennfremur er heimilt að selja eftir reglulegan lokunartíma, kol, salt, olíu, veiðarfæri og vistir til skipa.

9. gr.

Lögreglustjóri getur í einstökum tilvikum heimilað rýmri sölutíma en segir í samþykkt þessari, þegar hann telur sérstakar ástæður til m. a. þegar ákveðið er að ágóði af sölu renni til almenningsheilla.

10. gr.

Hreppsnefnd getur ákveðið, að greitt verði sérstakt gjald fyrir leyfi samkvæmt 6. gr. Ákveður hreppsnefnd þá gjald þetta til eins árs í senn.

Gjaldið skal greitt fyrirfram fyrir hvert almanaksár. Sé það ekki greitt á réttum gjaldldaga, skal leyfið úr gildi.

11. gr.

Ef leyfishafi, sbr. 6. gr., brýtur samþykkt þessa eða skilyrði, sem hreppsnefnd, heilbrigðisnefnd eða lögreglustjóri kunna að setja fyrir leyfi eða ef rekstur sölustaða þykir ekki fara vel úr hendi, má hreppsnefnd svipta leyfishafa leyfinu, enda hafi leyfishafi ekki látið segjast við aðvörun. Jafnframt má ákveða, að leyfi verði ekki veitt til slíks rekstrar á viðkomandi stað tiltekinn tíma.

12. gr.

Brot gegn samþykkt þessari varðar sektum allt að kr. 5 000.00. Með mál út af brotum á samþykkt þessari skal fara að hætti opinberra mála.

Samþykkt þessi sem hreppsnefnd Patrekshrepps hefur samþykkt staðfestist hér með samkvæmt lögum nr. 17 frá 1. febrúar 1936 til þess að öðlast gildi þegar í stað.

Jafnframt fellur úr gildi samþykkt nr. 101 7. júní 1967 um afgreiðslutíma verslana á Patreksfirði.

Félagsmálaráðuneytið, 4. maí 1981.

F. h. r.

Hallgrímur Dalberg.

Hólmfríður Snæbjörnsdóttir.

SAMÞYKKT

fyrir Veiðifélagið Flóka, Haganeshreppi.

1. gr.

Félagið heitir „Veiðifélagið Flóki“. Heimili þess og varnarþing er Haganeshreppur, Skagafjarðarsýslu.

2. gr.

Félagið nær til allra jarða, sem land eiga að því vatnasvæði, sem félagið er stofnað um, Sandós, Hópsvatn, áin milli þess og Flókadalsvatns, Flókadalsá, svo og allar ár hér ótaldar og lækir, sem í vötn og ár þessar renna. Þessar jarðir eru: Brautarholt, Haganes I, Haganes II, Langhús, Dælir, Akrrar, Barð, Minni-Reykir, Stóru-Reykir, Háls, Teigar, Austari-Hóll, Helgustaðir, Steinavellir, Krakavellir, Illuga-staðir, Neskot, Nes, Sigríðarstaðir, Vestari-Hóll, Steinhóll, Sjöundastaðir, Syðsti-Mór, Mið-Mór, Yzti-Mór, Haganeshreppur.

3. gr.

Verkefni félagsins er að stunda fiskirækt á félagssvæðinu og skipuleggja nýtingu vatnasvæðisins, að því er tekur til allrar veiði.

4. gr.

Stjórn félagsins skipa þrjú menn, formaður og tveir meðstjórnendur, skulu þeir kosnir á aðalfundi til þriggja ára í senn. Ganga þeir úr stjórn félagsins á vixl þannig, að formaður gengur úr eftir eitt ár. Annar meðstjórnandinn eftir tvö ár, og hinn eftir þrjú ár, og helst svo sama röð áfram. Enginn atkvæðisbær félagsmaður getur skorast undan endurkosningu, nema sérstök forföll hamli, eða að hann hafi verið í stjórn í þrjú ár. Kjósa skal tvo varamenn stjórnar og tvo endurskoðendur, til tveggja ára í senn, þannig að annar varamaðurinn og annar endurskoðandinn gangi úr eftir eitt ár og hinn eftir tvö ár.

5. gr.

Stjórnin hefur á hendi allar framkvæmdir félagsins milli aðalfunda.

Stjórnin fær menn sér til aðstoðar við þau störf í þágu félagsins, sem vinna þarf á hverjum tíma, og semur við þá um þóknun fyrir.

Formaður er fulltrúi félagsins útávið, og hefur yfirumsjón með öllum störfum félagsins og fjárreiðum.